

SARS yi endla malulamiselo yo hlawuleka ya eka nsivelo wa mfambamfambo

Pretoria, Ravumune ti 26 March 2020 – Vukorhokeri bya Xibalo bya Afrika-Dzonga (SARS) ya tixaxameta hi ku helela no seketela Kungu hinkwaro ro Yimisa ra Mfumo, ku tihlamulela eka ntungu wa COVID-19. SARS yi tlhela yi tlhaveka mayelana na nxaniseko wa ikhonomi na nchavo lowu nga va ka kona enkarhini lowu wa xihumelelo lexi xo ka xi nga tolovelekanga no kunguhatiwa.

Tanihi xiphemu xa kungu ro yimisa, nsivelo wa mfambamfambo wa matimba wa 21 wa masiku lowu tivisiweke hi Phuresidente Cyril Ramaphosa wa tika kambe i kungu leri lavekaka ro lwa na hangalaso wa xitsongwatsongwana, no hunguta nhlayo ya mitluleto yintshwa.

Khomixinara wa SARS Edward Kieswetter u vurile: "Hi kombisa mbumbano wa hina na vanhu hinkwavo lava nga tluleriwa no khumbheka, ku katsa na vahakelaxibalo, vaxavisi lava nga na mabindzu, lava khumbhekeke, no ya emahlweni va khumbhiwa hi ntungu wa COVID-19."

"Hi tsakela ku va tiyisisa leswaku SARS yi tshama yi tinyiketerile eku nyikeni ka vukorhokeri lebyi faneleke eka mfumo no ya emahlweni wu kuma xibalo xa mali ya tiko ku hakelela nyiketo wa tinhundzu ta vaaki na vukorhokeri, loko yi ri eku tiyisiseni leswaku nkholuko wa mivuyiselo ya mali leyi lavekaka swinene yi ya eka vahakelaxibalo lava hlanganaka na nhlupheko. Hambi enkarhini lowu wo tika, tanihi xiphemu xikongomiso xa kungu, hi ta ya emahlweni hi nyika ntshembho no endla swi olova eka vahakelaxibalo na vaxavisi ku burisana na SARS," ku vurile Khomixinara. "Ndza tiyisisa leswaku leswaku vahakelaxibalo vo tshembheka va ta tlhela va tsakela ntiyisiso wa leswaku enkarhini wa nkarhi lowu, milawu ya hina ya xibalo na khasitomo yi ta tshama yi tirha ku sivela vuxisi na nxaniso wa swa vugevenga eka sisiteme ya xibalo" u engeterile.

"SARS yi tshama yi ri ya nkoka eka tikweni na le ka ikhonomi ya hina sweswi na nkarhi lowu ta ka na le ka nhluvukiso wa vanhu. Hi ku ya hi milawu leyi lawulaka nsivelo wa mfambamfambo, SARS yi tivisiwile tanihi vukorhokeri bya nkoka, leswi nga swa nkoka ku tiyisisa leswaku switandzhaku swa nkarhi wo koma na nkarhi wo leha eka ikhonomi swa ntungu wa COVID swa lawuriwa hi xihatla," Khomixinara Kieswetter u vurile ku ya emahlweni.

Ku tekela enhlokweni nkucetelo wo biha wa ntungu lowu eka ikhonomi, Phuresidente u tlhele a tivisa makungu yo hlaya yo pfuneta tikhamphani leti landzelerisaka xibalo leti nga enhluphekweni na vativirhi va tona lava khumbhekeke, ngopfungopfu, Mabindzu Lamatsongo, Ma le Xikarhi na Lamakulu (tiSMME) leti SARS yi faneleke ku ti lawula enkarhini wo koma.

Khomixinara wa SARS u hetisisile hi ku vula leswaku: "Hambiswiritano, tanihi muthori wa vutihlamulero no hletela, SARS yi tlhela yi lava ku tiyisisa nhlayiseko na nsirhelelo wa vativirhi va yona na mindyangu ya vona, loko hi le tlhelo yi sungurisa makungu lama tivisiweke hi Phuresidente. Kwalaho, ku kota ku

sirhelela vatirhi va hina na mindyangu ya vona, SARS yi ta hunguta nhlanganiso hi ku vonana no humesela ehandle hi ku vekela mihlawulo yo hlaya ya vukorhokeri leyi vahakelaxibalo na vaxavisi va nga yi tirhisaka ku burisana na SARS enkarhini wa nsivelo wa mfambamfambo.

Vahakelaxibalo na vaxavisi va laveka leswaku tirhisa vukorhokeri bya inthanete byo fana na eFiling, SARS MobiApp na e@syFile. Vukorhokeri byin'wana lebyi kumekaka eka eFiling byi katsa swivutiso swa swikweleti, tihakelo eka SARS, swivutiso mayelana na mitlheriso, xiyimo xa nandzeleriso wa xibalo (ntirhiso wa TCS), xitiviso xa ntsariso (IT150), ku fayila mitlheriso, na nkumo wa '*username*' na lulamiso wa *password*.

Ku engetelela, vahakelaxibalo va nga tlhela va bela riqingho eka SARS Contact Centre (0800 00 7277). Eka xiwelo xo tika, vahakelaxibalo lava tirhiseke vukorhokeri bya vona bya le ka inthanete na Contact Centre va nga buka xitshembhisano erhavini ra SARS. Ku fikela laha swi nga ta tivisiwa, SARS yi ta tirhela vahakelaxibalo etihofisini ta hina hi xitshembhisano. Vahakelaxibalo lava tiyisiseke xitshembhisano va ta nyikiwa xitiviso xa ntiyisiso, kun'we na vutitivisi bya vona hi voxex, va ta kota ku swi tirhisa hi ku ya hi swipimelo swa nsivelo wa marendzo ku kota ku kuma vukorhokeri bya nkoka.

Ku kuma nongonoko wo helela wa mihlawulo ya vukorhokeri, [tlilika laha](#).